

оусякои злобѣ, церкви бѣсовския мытница, поборница грѣху, засада от спасения.

XXXIX. Аще которыи муж зрит на красотоу жены своея и на еи слова лестливая, почнет еи вѣру яти, а дѣл еи не испытает, то будет проклят. Но по всемоу, братиа, рассмотрѣте жену зло[у] и льстивоу и лоукавою, рече мужеви своему: господине свѣте очию моею, аз на тя не могу зрѣти, егда глаголеши ко мнѣ, тогда въззираю на || тя и обмираю, л. 426 раступают ми ся състави и поничю на землю.

XLI. Послушайте, жены, слова апостола Павла глаголюща: крестъ есть глава церкви, а муж женѣ своей. Жены, стоите въ церкви а мльчите, молѣтесе богу и святѣи богородици. А чемоу хоцете оучитися, и вы оучитесе дома оу своих мужеи. А мужемъ годится по закону водити жены своя, понеже не брѣздо обрѣсти доброй жены. Тъ же апостоль святы Павел глаголетъ: мужа моудраго оу стѣ обрѣтох, а жены моудрой ни оу тысячи не обрѣтох.

XLII. Добрая бо жена виноцею мужю своему без печали есть, а злая жена лютая печаль ни зотщание домови. Чрѣв дрѣво глит, а злая жена мужа своего дом теряет. Лѣпии есть камен долости, нижли злую женоу поняти и оучити. Желѣзо оувариш, а злои жены не навчиш.

XLIII. Злая бо жена ни навчения не слоушает, ни церковники читит, ни бога боится, ни люди не стыдится, ни ереи срамляется, ино вся оукоряет и вся осуждает.

XLIV. Что злѣе ильва оу четвероногих звѣрех? Что есть змии злыи по земли ползуших? Все того злая жена злѣи есть. Женою испрѣва правдѣ наш Адам из рая изгнаны бысть, Исифъ прекрасныи оу темници затворен бысть жены ради; жена, Самсона силного остригиши, иноплеменником продасть. О злое оружие дияволе, стрѣла летящи ис щемером.

XLV. Нѣ оу коего жена оумре оу мужа. Он же по 5-и днех начя продавати свои дѣти. Людие же рѣша емоу: Чемоу продаеш дѣти? Онъ же рече: Аще будутъ вродилися въ матеръ, и они оузрошше мене продадут.

XLVI. Аз же, осподине княже, ни за море ходих, ни от философъ навчихся, но бых аки пчела падающи по многим разным цвѣтом и свѣжоуплет медовяныи сот, тако аз по многим книгам избирая сладость словесною и разум, яко оу мѣх воды мрѣския.

XLVII. Да оуже не много глаголю, не отмѣтаюся разумномуу прамо къ безоумию || его, да не подобень емоу боудеши. Оуже бо престану л. 427 много с ним глаголати, да не боуду аки мѣх оутел, роня богатество в руци ненмоущим, да не оуподоблюся жрѣновам, яко тии многыи люди насыщают, а сами себе не могут насытити жита, да не възненавидим боуду миру съ мною бесѣдою, яко же бо птица источи пѣсни своя, скоро възненавидима бывает. Глаголет бо оу мрѣских притчах: реч продлѣжена не добро, добро продлѣжена камка а любо оксамит.

XLVIII. Господи, дай же князю нашему Самсонову силоу, храбрость Олександрѣву, Исифовъ разум, моудрость Соломонову, кротость Давидову. И оумножи, господи, вся человекеы под роуку его. Богу нашему слава.

ПРИЛОЖЕНИЕ

Описание состава рукописи собрания Мальцева № 233/229

Лл. 1—3 об. Гл. 28. В нед. 4 поста поучение святых апостол о св. посте.

Лл. 3 об.—5 об. Гл. 29. Въ нед. 5 поста. Слово о алчбѣ и о молитвѣ и о милостинѣ.